

李文恭公文集





李文恭公文集卷七日錄

湘陰李星沅石梧著

男恒編次

梳

滇南軍書

蔭興堂提軍黃惺溪觀察

蔭興堂提軍黃惺溪觀察

蔭興堂提軍黃惺溪觀察

蔭興堂提軍黃惺溪觀察

李文恭公文集

卷七日錄

普安園廉訪

蔭興堂提軍黃惺溪觀察

黃惺溪觀察

普安園廉訪

黃惺溪觀察

李子廉鎮軍

蔭興堂提軍黃惺溪觀察

蔭興堂提軍黃惺溪觀察



蔭興堂提軍

黃惺溪觀察

蔭興堂提軍

蔭興堂提軍

蔭興堂提軍

李文恭公文集

卷七目錄

二

蔭興堂提軍黃惺溪觀察丁未正月初二日

二十二三四等日會函連次接仗仍未得手我兵復有
損失兼致勇弁受傷該匪等毫無忌憚實屬可惡可恨
誓當滅此朝食斷難稍事姑容省城盼信較遲極思親
臨速辦第諸公在事已久責任甚專若仍莫展一籌則
沅於奏報出省摺內豈能代爲揜飾竊查雲州回寨不
過一大村落並無高城深池如以大砲分攻何難尅期
而破前聞猛庭之役張提台以遷延不進坐失機宜今

李文恭公文集

卷七

滇南軍書

一

兵練集有數千較之賊數不啻倍蓰與其日費糧餉何
如重賞收功昨已另札嚴催李鎮亦爲遙助聲威之用
務祈就近催督如將弁勤惰不一亦應分別勸懲或旌
麾親赴軍前策應更爲得力左丹雄前踞象山之土何
以不能俯擊仍須專由州街進攻州街卽有牆垣亦可
用砲轟倒對河相距不遠大砲豈弗能及總由將弁畏
葸以致所帶官兵不能逼近之故萬勿聽其欺飾以爲
寇兵甚利豈綠營火器全不如賊然則平日訓練果何

事耶雲州劫去二犯既經小猛統地方拏獲派員往提
自應防其疎脫如果中路阻截即可飭護解之人梟其
首級解驗真偽省卻無數氣力卽將來獲犯亦可由順
郡審供定讞就近了結以免轉解疎失至所獲漢奸等
犯審實卽可正法隨到隨辦更不必留俟結案以作添
湊人數也劉經歷曾否赴營雇練能否有用總祈及時
酌辦此事攸關全局誠如來示惟有重賞兵練使之惡
攻直搗固不暇惜費亦不能慮及傷仁致貽後患統祈
李文恭公文集 卷七 滇南軍書 二

一力主持勿以游移緩士氣耳猛郎防兵太多少息卽
宜撤回彼無燭火夜間亦可襲之賊營有堅有瑕須探
明專攻其瑕而仍以游兵擾其堅也

又 正月初四日

官兵駐營日久現又增有新練亟宜熟籌進攻一鼓作
氣萬不可稍形退蕙坐耗軍儲且兵不銳則匪益張必
將奸詐百出卽如猛郎之擾明係分我兵力而我兵卽
爲多分且令左練分往適中賊之詭計皆不可解總之

欲靖匪黨必破雲州欲破雲州必用勁練欲用勁練必
派各路重兵保護火炮四面轟擊賊巢雖堅何愁不爲
灰燼但須鎮將督率備弁奮勇向前若遙遙相望卽羣
放槍砲不過自耗火藥於賊何干竟不知作何了局矣
焦灼之至當有同心

又 正月初五日

頃接二十七日會函知雲州劫去二犯已據寨回捆獻
卽日解省審辦此固逆匪畏罪之機惟商同謀劫重囚
李文恭公文集 卷七 滇南軍書 三
及緬甯逃匪復於雲州抗拒罪不容誅若非殲擒首要
仍將分途竄擾各路響應爲患無窮且旣大舉進勦倘
辦理毫無把握竟成虎頭蛇尾何以仰慰

宸廑卽入告亦難著筆總祈熟籌通計無稍苟且目前
了而不了彼中情形原難遙制如果賊勢日蹙趁此脇
以全力當可續得渠魁竊疑猛郎曲碕匪徒卽由雲州
逸出意在分我兵練尤宜加意防範我威可畏庶乎我
德可懷得失之機間不容髮會心人自無煩詞費也又

賴金詳供詞多爲大言與前犯所供迥異幸勿爲所搖惑密之

又 正月初八日

頃接客臘二十九日公函至賊回二十四日解歸劫囚卽將匪黨火藥一併進寨等語不禁恨深憤懣試問李鎮先日旣經訊有供詞何難豫爲設伏安砲安兵要擊截殺大可乘機成事乃竟聽其闖入李鎮已成木偶若帶兵防堵之員必應軍法從事卽爲此時用人計亦當李文恭公文集 卷七 滇南軍書 四

暫行分別摘頂捆打斷非記過所能了惟犯供二十四日被獲而來示則云二十三日午刻語涉兩歧祈再飭訊明飛示竝切竝切至雲州回寨光景當定計進攻之時諒已逐層慮及不待累月而知如果紀律嚴明防範加密四路絕彼外援縱深溝高壘賊勢止成坐困亦可無煩兵力事機之失出乎情理之外誠非不才所敢知也承示二十七日給發回寨諭稿并李鎮二十九日函准獻囚自是迎機而導辦理已有成算該回寨能將兩

案要犯速行捆出誠如來示猶屬震於兵威但須通盤
籌畫慎重周詳幸勿旋結旋翻頓滋竄擾且此時萬分
喫緊兵練戰守不可一刻鬆勁若再如二十四日之失
聽賊所爲真無遠慮而有近憂矣兵機不能遙制惟在
審勢主持節經具摺奏明責成軍門專辦固不甘於分
過亦不妄爲分功眾志本同事權早一願鴻才熟計之
也懸賞所以示信旣據解交二犯切勿出納稍稽能再
捆獻馬國海等數名卽加倍厚賞亦所弗惜小人好利
李文恭公文集

卷七

滇南軍書

五

豈護黨必不可動耶又犯供有實有虛均祈悉心詳察
普安圍廉訪

正月初九日

承示漢回積弊及雲州現在情形洞中窾要而勿長漢
驕勿啓回忌數語尤爲切實可行地方官果知凜遵開
誠勸諭持平辦理兵練均可不用特無如顛預隔膜何
也沅雖未厯戎行而昕宵籌慮親於臨陣所論均早致
之當復再爲函達并祈就近密速切商該回寨能將兩
案要犯悉數捆獻自是悔禍之機否則彼雖天險亦惟

設計進攻無他道也馬易二囚如能飭留審決可省展轉護解若已經過蒙化則可無庸折回矣

蔭興堂提軍黃惺溪觀察

正月初九日

頃得初二日所發公函藉悉二十九日雲州回寨復獻奸犯三名此必該掌教等奉到示諭咸知悔禍故爾親至大營可見彼中不少良回也如將兩案要犯陸續捆出尙可寬其一綫惟獻犯則守不獻則攻二語實爲扼要總須申嚴軍律攻守自如萬勿一刻鬆勁爲彼所紿李文恭公文集

卷七

滇南軍書

六

非獨前功盡棄亦且後患環生大可懼也猛郎利在速了猛庭燒殺是否鋤起漢民不得一毫偏袒天下惟公道足以服人不平則鳴往事可鑒馬子鳴易幟亮二犯已札臬司截留審決此後獲犯益多轉解費事卽祈確切審定其情罪較重者應由軍門請

令正法以昭炯戒而免疎虞惟張富一犯疊奉

廷諭飭查此次是否身死必須確而又確斷不可稍涉含混共懼重譴承詢藉口藉手四字此臘月初六日致

軍門信中語豈未之留意耶茲再錄出寄覽又十八日
一函到否緬甯解項乃至如此之多務祈諄飭樽節毋
視爲不竭倉也

黃惺溪觀察

正月十一日

開城曉諭他處可推廣行之

初八居限續交賊匪若干該掌教尙屬良回似不致有
總不得有歧視他變惟馬嘔海等犯未必卽能捆獻仍應密速懸定重

賞使其夥黨貪利設計擒出以除後患張富是否身死

會否訊明日期該犯受傷究在樂黨抑在雲州屍首現

李文恭公文集

卷七

滇南軍書

七

在何處如尙非抗拒致斃應傳家屬訊取確供提驗屍
身詳報否則其身雖死於法亦應戮屍事關

諭查要件必須萬分靠實始可據情奏結若在疑似之
閒則一波未平一波復起豈止四明難爲計耶又州署
旣未燒燬大局一定卽應飭署牧迅卽往駐仍酌兵練
留防所有開放監犯會否全數招回內有絞犯四名尤
爲緊要倉穀如果未動尙易收拾昨奏雲州回寨匿犯
拒捕官兵圍攻情形已將賊犯縱火焚燒州街并開放

獄囚搶掠倉穀據實入告此時若能就緒佇盼好音當
由驛報慰

聖廬也至大營目下萬分喫緊尤不可略爲鬆勁倘軍
心稍懈賊燄漸張大局更不可問外愈緊則內愈感可
期迅速成事耳

普安園廉訪

正月十二日

查馬子鳴等二名係例應卽行正法之犯已於公牘飛
布祈將被劫緣由審明卽在蒙化慎密處決毋再稽延

李文恭公文集

卷七

滇南軍書

八

其續經捆送之馬世寶等亦應先行研鞫果係此案首
要卽行錄供通報一面按律定擬照律決罪請奏總之
卽爲賊黨卽屬法無可寬斷不可稍從曲宥亦無格外
枝節尙須反覆推敲既有張楊二令儘可隨同提勘試
用通判孫昺現在省垣亦當飭令赴蒙但稍需時日無
庸坐候耳此後順雲獲犯既多未便紛紛遞解致有疎
虞如有重罪人犯已函屬署道會同實守就近詳加推
鞫倘無冤抑卽由軍門請

令正法以示炯戒至南澗等處時有警報無非不法匪徒造言惶惑亟須設法禁止剴切示諭或遴委幹員分投彈壓開導並飭各屬實力查拏究辦以定人心

黃惺溪觀察

正月十二日

頃接初五日惠翰知雲州初二續獻賊匪三名并器械各件其爲是否要犯應俟審明定罪既經該寨捆出似難遽爾發還至漢奸吳開先等均供被賊雇倩且經打仗運藥卽屬法無可寬何能貸以迫脇轉至匪徒漏網

李文恭公文集

卷七

滇南軍書

九

虛此大舉又馬子鳴易幟亮二犯來文已稱捆獻軍前而另單又注雲州文武督同拏獲未免語涉兩歧要知雲州禍根起於尊犯茲據該寨捆出自是畏罪明徵再得續獻多名審定正法其餘脇從果能由此斂戢尙可寬其一綫並非准令投誠又如張白之橫生枝節也至緬甯滋事要犯是否均在雲州仍望確查嚴究相機了妥事關大兵進止辦理必操成算切不可處以游移徒稽時日如彼中實多狙詐我力儘足翦除卽當定計進

攻不爲笨伯徒勇其如何運用疊次縷悉函商統希悉心採擇因時因地適得其宜或不無小補也承示支放清摺日費若干而成效茫然惟有浩歎五中焦慮筆不能宣

再馬欄海等數犯迄未捆獻誠恐潛伏他竄應密飭各土司并傳知各回寨一體上緊偵緝有能設計捆送到官者驗明後立賞銀若干兩當堂傳領面給決不延緩短發回夷性皆嗜利或可歆動合拏如雲州劫囚被獲

李文恭公文集

卷七

滇南軍書

十

是其明驗且使該犯等自有戒心不敢任其所往縱未卽時弋獲亦可稍杜勾連似爲此時要着再雲州若能确定餘匪作何散法必須預籌妥貼沿路相安旣不致匪黨倚眾橫行又不致鄉練藉端滋事或責成該寨掌教耽保以後無事并卽諄切開導以數人爲一起各回各寨守分歸農或再諭附近鄉練非大夥持械無再截殺生衅以期兩無猜忌此卽安擾第一關也

李子廉鎮軍

正月十三日

該回寨負固不服法所必誅現經捆獻重囚呈繳槍械
尙屬自知悔罪但須兩案要犯悉數獻出始可寬其一
綫不容隨便搪塞節經函復提軍署道通計速籌卽祈
就近密商相機妥辦至大營兵練砲位尤須加意督飭
逐層布置嚴而又嚴無致再有二十四日之失軍機所
繫責任最專糜餉勞師咎將誰執會心人想不煩多屬
也

蔭興堂提軍黃惺溪觀察

正月十五日

李文恭公文集

卷七

滇南軍書

十一

千禧慎密

頃得初八日公函藉悉馬嶮相等三犯業經解郡扣留

防守

仍令馬映圖等歸寨設法獻匪此舉旣判良莠又得上

緊鞭辟之法如能從此得手速致要囚誠如來示係屬

上著設又有變局惟當激勵將士奮迅攻勦左大雄近

於三柯樹新紮一營旣可俯擊賊巢則火器實爲切要

茲李鎮來信有營中缺少大砲是以未能攻破等語記

臘月二十三日曾以如需省門銅砲卽速酌示照解日

久未荷見復且又有現造木砲之信李鎮何復閃灼其

辭軍情如火豈可視爲不急之務耶至猛郎分我兵力
應由順城暫爲撥補赴營以備不虞猛庭數處能持平
就案了結無需兵練前往乃爲計之得耳

再日來如須開仗賊營旣在象山據漢奸供詞不過賊
匪百餘輪替把守非回寨堅壁可比左練兩營相距不
遠何不卽用大砲就近乘間轟擊使其寨外山上空所
依據再用火器俯攻似更易於得手統惟相機酌之又
左右兩營前後必須重兵防護策應斷不可令成孤注
李文恭公文集

爲賊所乘彼如藉口獻囚故作延宕必有外多勾結內
造軍火之計尤當加意千萬

又 正月十九日

頃接十二日會函知雲州又有變局其緩兵搬匪本在
意中所恨各營環立屢經嚴飭堵截而奸細出入自如
紀律可想宜提訊現犯究明何路往來卽將何路帶兵
將備嚴參重責藉以示懲十一日之戰實斃賊匪若干
兵練休養旬餘復得提軍親往相機布置或可重整軍

威刻期奏捷若賊匪牆內拒擊已成故智豈竟無以避
之至破寨必須大砲前聞營中不乏又李鎮方造木砲
何以不甚得用已如示飭委存參將兼程前來約二月
初五六日必可到順據云砲身以青鋼木爲上槐木次
之又火箭桿及生熟各鐵硝磺各種務祈先期飭備俟
渠到日立辦卽大鐵砲先做泥坯未免曠日持久然及
今爲之猶可有備無患但須趕做大木砲一面兼鑄大
鑊砲似賊氛方熾未可遽望止戈如該寨脇於兵威卽
速捆兇繳械仍可網開一面否則勢成騎虎非埽穴不
能了局也馬欄相等三犯扣留郡城千萬隨時加意前
閱新年賞單順城留兵千二百餘名今乃止數百名耶
雲州勦辦日久迄無成功正好就捆獻各情先行奏報
附寄摺稿一分卽祈祕閣勿宣

蔭興堂提軍

正月二十一日

頃奉十三日自大營惠書備悉賊巢堅隘及我兵奮勇
情形如須一鼓盪平自非大砲不可已如示派委存參

將本日起程限初五日到順令其面領指示妥造一切
至賊首馬幟海罪惡貫盈茲賴旌節親臨罪人斯得立
卽正法處死洵屬大快人心惟餘犯人數尙多該寨回
能再遵限捆繳卽由卓裁辦理兵機不能遙制總以殲
厥渠魁解散黨援爲上著也李子廉現奉部議降一級
調用如能迅速戴事沅必據實入告籲懇

恩施斷不肯令其小屈猛郎一局速了爲妙餘悉飛飭
持平鎮靜曉諭無至多添頭緒以期人心大安耳

李文恭公文集

卷七

滇南軍書

古

黃惺溪觀察

正月二十一日

頃接十四日會函快悉賊首馬幟海已據該回寨捆獻
軍前審明正法洵屬大快人心惟所解斷腕必須封貯
備驗其張安舟等犯亦應妥解到府親提確訊并此後
續繳各犯分別定罪請奏斷不可稍有輕縱首要旣得
國憲明申更不必再提投誠又生枝節殷鑒不在遠也
此舉如足示懲迪西沆可小息籌策之功甚偉且暴去
良安保全尤爲造福矣猛郎回匪果能獻犯繳械亦可

法立知恩此外小有差池總祈諄飭地方官持平了安
毋以將就貽後患亦毋以慘殺結深仇也李子廉竟奉
部議降一級調用其督勦出力兩摺均已縷陳但能妥
速藏事必爲懇

恩開復斷不肯聽其左遷已檄委仍署鎮篆交卸尙無
定期存參將本日起程赴順趕造軍械亦祈就近查察
總以靜密毋擾爲要

蔭興堂提軍

正月二十四日

李文恭公文集

卷七

滇南軍書

二五

頃接十七日由大營惠書知連日督催進勦或分股驚
擾或四面環攻使其難備乘其易疲實爲相機妙算又
得騰越大砲到營如果兵練奮勇日強一日賊巢雖堅
斷無不破之理惟仗申明紀律懸立重賞不可一刻鬆
勁以致再衰三竭賊匪仍得以逸待勞耳各路防堵更
須密之又密使彼聲息不通縱令無求於外而寨內亦
必坐困至獻匪一節原係法外之仁有獻則守無獻則
攻二語最爲扼要萬勿徒託空言禱切切馬惘海已

經凌遲是否實係正身亦當再三確訪想精明果決必不爲賊所蒙也猛郎勦匪愛參將力能任之總以奮迅爲上著耳

又 正月二十四日

日來詳閱雲州地圖及各營圖並函示回寨情形懸擬數條以備採用

一回寨居象山之鼻其上爲老君山我兵能否由山後小路抄出或本無山路專派善走夷練如維西練之類

李文恭公文集

卷七

滇南軍書

六

攀援而上直躡象山之頂以火器轟擊太平寺賊營再向賊巢俯攻又或由水磨等處間道逼近回寨出其不意直撲南頭柵門似易得手

一回寨北爲州街賊匪藉以保障我兵屢次從此進攻旣距回寨太遠火器難施又有州街牆壁爲賊砲眼我明彼暗易於被轟止宜游兵分起從此開槍牽擾另派得力兵練從東西南三面乘間奪柵此避難就易之法一象山南北旣距大河有二丈餘之高坎正可俯擊賊

巢宜多備竹梯及軟梯緣至坎上前列攔牌一層下伏勁練若干各執刀矛以身蹲踞賊必由牆眼放砲抵禦俟其槍子過去一擁直前賊槍再放不及且已撲近賊巢柵門可立破矣

一南河正對賊柵河水甚小並無阻隔宜以游兵先攻其東西北三面再行多派兵練護住大砲防彼突出搶奪卽於對岸安準直衝其巢雖未能轟倒圍牆而砲子飛入屋瓦奔裂未有不內潰者再用火箭火球如風雨之驟至賊欲安居寨內以逸待勞其可得乎

一賊營與左練營相距較近雖有木石濠溝逐層防護究非該寨夾牆砲眼可比如以三面環攻分彼兵力竭彼藥力而以兵練合力專搶賊營又各路掎角策應使彼四面受敵我兵佔踞象山賊無地險可恃其勢亦窮一賊匪伏巢不出亦無多寨內人數可想我兵但用攔牌奮勇直前止許進不許退將各柵門分起圍裹施放擡砲火箭彼將不能兼顧且兵練逼近焚殺賊有槍

砲亦無所施又以千金重賞招募勁旅拚命踰牆直入
彼必望風驚走立刻瓦解矣

官兵如破賊巢賊必四散竄擾宜先分途埋伏截殺兇
擒無任逃匿惟寨內老幼婦女千萬不可傷殘必多方
曉諭約束以期兵練遵守卽男丁不敢拒捕者亦應分
別省釋如馬映星馬映圖馬聯霄等皆有一綫可原祈
保全之

又正月二十四日

李文恭公文集

卷七

滇南軍書

七

雲州回務尚未就竣在畫畫精詳固已無微不至但兵
貴神速旣經曠日持久勢難操縱自如現在寨內容留
能否籌辦應手如果無匪可獻卽應有兵可撤斷無彼
此坐候之理沅寸心焦急言不能名想閣下亦同之也
至論功行賞自有常經惟盼軍事早完一切惟命是聽
尚非此時先務毋須汲汲再聞馬效青一犯已經猛浪
拏獲該犯迭奉

嚴諭飭查明確現因復擾被擒應卽遴派將官專解並

沿途各營撥護至省聽候親提訊供再行正法倘此信
到日順甯已經辦結亦應迅速函首並馬欄海左手解
省候驗以昭慎重

李文恭公文集

卷七

滇南軍書

九

李文恭公文集卷八目錄

湘陰李星沅石梧著

男棟 概 桓編次

滇南軍書

黃惺溪觀察

黃惺溪觀察

普安園廉訪

黃惺溪觀察

李文恭公文集

卷八目錄

陰興堂提軍

黃惺溪觀察

陰興堂提軍李子廉鎮軍

黃惺溪觀察

陰興堂提軍李子廉鎮軍

黃惺溪觀察

黃惺溪觀察

黃惺溪觀察

黃惺溪觀察

黃惺溪觀察

陰興堂提軍

陰興堂提軍李子廉鎮軍黃惺溪觀察

陰興堂提軍李子廉鎮軍黃惺溪觀察

黃惺溪觀察

陰興堂提軍

黃惺溪觀察

李文恭公文集

卷八目錄

陰興堂提軍

黃惺溪觀察

陰興堂提軍黃惺溪觀察

黃惺溪觀察

黃惺溪觀察

陰興堂提軍

黃惺溪觀察

黃惺溪觀察

蔭興堂提軍

黃惺溪觀察

李文恭公文集

卷八目錄

二

黃惺溪觀察 正月二十四日

頃接十八日會函知雲州大營正在晝夜攻打自係此時要著但須分起輪替使兵不疲設法掩襲使兵無損久之賊勢自感再得移營偏近或用九節大砲或火箭火毬向內擊射驟如風雨彼雖天險亦以人定勝之但不可紙上空談徒稽時日終無實效耳存參將約二月五日抵順應卽趕造木砲而大鐵砲泥坯亦不可再爲刻緩看似緩不濟急然究勝於臨時束手也承示決犯李文恭公文集 卷八 滇南軍書 一

另單辦理固爲直截但須供勘詳密彙由臬司核轉預爲奏結地步至馬欄相等三犯許令辦法未爲無見其寨內衿耆供指三犯若何必須情真罪當不令若輩藉口也營前處決馬欄海是否實係正身張富屍身從何驗定仍望切實探訪聞左練木砲炸一我兵未受傷否提標千總汪海醫治已大愈否念念

又 二月初五日

初四日接二十八日會函知馬效青一犯已在猛浪拏

獲解順審辦此舉大快人心惟該犯疊奉

諭查應卽派委將官帶兵沿途撥護解省提訊正法方
爲正辦設此信到日已經尊處辦結卽速函首送省以
昭慎重至張富之死尙無確憑仍祈嚴切根究就令死
無疑義亦須解屍候訊並將該犯之母與妻隨屍妥護
到省聽候親提訊供一面奏明請

旨否則必干嚴詰從前湖南逆犯藍正樽卽致訥近翁
大得不是其明證也現在崑俟許署牧移入州署清釐
監獄卽當由驛先行奏報正案稍遲另結猛浪協擊要
犯情似可原想卽日了妥矣

普安園廉訪 二月初五日

得二十九日惠翰並另單欣悉大白象卽馬效青已由
猛浪擒解愛參將能事可喜佇望辦了該寨撤隊回營
一同敘功入奏必不肯抑其勞績也海老陝卽海連陞
亦據捆送到順與馬懶海馬登宵均此案著名要犯差
強人意惟馬效青情罪尤重已飭署道等並張犯屍首

親屬解省聽候驗訊以昭詳慎現在專候許署收移入
州街清理監獄一面留兵散匪卽先由驛奏報且兩案
合辦就緒各屬救謐無他旌旆應否元旋亦可酌示商
定矣

黃惺溪觀察

二月初五日

接二十八九日兩次會函備悉冰案審明各犯就近分
別處決仍將確盜似招由臬司詳轉自是權宜辦法惟
馬效青海連陞馬登宵三犯情罪較重首級必應標識
李文恭公文集 卷八 滇南軍書 三

同馬幙海左手腕一併委員解省候驗以昭慎重不可
專尙直截致滋多口若張白二犯投誠反覆通國共知
其前後若出兩人亦非原辦所能意料更無所容其迴
護承示據實辦理具徵卓見不移卽將該犯等情罪核
入正案詳辦一面將張犯屍身及其母與妻隨同解省
聽候親訊奏結庶可上慰

宸廑不致以諱飾了事重干嚴詰再此閒由驛奏報必
俟許署州入署清理監獄始可措詞否則仍與前摺依

樣葫蘆也千萬不可再緩禱切禱切

蔭興堂提軍

二月初八日

日來雲州外匪曾否肅清許令接印曾否入署監倉曾否清理州街曾否修復此時萬不可緩倘該將士坐困爲名日耗軍餉徒於數里外虛放槍炮尙思焚燒空寨殃及無辜既可邀功又可劫掠惟有據實奏參從重治罪無他說也猛郎小街餘匪乃亦經月未克且至兵練受傷然則兵力果何用耶

李文恭公文集

卷八

滇南軍書

四

黃惺溪觀察

二月初八日

頃得初二日會函及另抄二件張犯之死似無可疑然必推求切實總以屍身親屬解省驗訊或可具奏完案否則依然未了也大白象首級馬欄海手腕尤關緊要卽飭委員速解以昭慎重此舉必不可少至張白二犯但與匪黨伏處卽未隨同抗拒而已罪不容誅供詞自可照敘餘均由司彙轉孫倅當亦無偏見也白犯逆種未便緣坐豈竟無以治之日內立等許令先入州署卽

併現獲要犯先發一報仰慰

聖廬佇切忝切

蔭興堂提軍李子廉鎮軍

二月初九日

初八日專致數行頃接初二日會函備領一切該寨回馬映新等迭次協拏要犯原爲自衛身家若不力加保全甚非安良之道第彼中匪黨究係不敢遽散抑竟不肯遽散省門無從懸揣務祈就近審察動中機宜或就該寨紳耆密商遣去或令州官徑入曉諭早歸或再誘擒渠魁使其瓦解或先約束兵練使無絲髮總須良回得保全而餘匪祛疑畏乃爲得之如驟難定計卽先曉諭寨民州官入署辦事再商散匪留兵庶不徒稽時日毫無端緒軍餉耗費其咎安歸思之不禁焦灼毛弁傷竟難愈深堪惋惜承示自當照辦

黃惺溪觀察

二月十二日

連接初三五等日會函并另抄六件知張白二犯家屬及屍身首級已經酌派委員分起解省驗訊案關

諭查要件必應加倍慎詳頃復飛札臬司先於蒙化截
留審訊取具確供解候覆勘辦理庶有層次此時料理
餘匪第一要緊餘匪一日不散兵練一日不撤坐耗巨
款從何籌支萬分焦急之至條款均尙周妥大營想卽
照辦似許令先宜入署一面清查回寨戶口當不至變
生不測也

蔭興堂提軍李子廉鎮軍

二月十二日

接初六日會函知猛浪賊巢已被許將馳往安撫自是

李文恭公文集

卷八

滇南軍書

六

正辦惟雲州散匪許令宜速趕回先入州署再商親往
該寨清查戶口亦開誠示信之道長此坐守而餘匪不
散何時始能了局耶至龍街回匪藉口報復似宜一面
確查起衅根由會同西道剴切曉諭一面速派精兵指
名先擒首犯歸案懲辦庶乎操縱在我無虞蔓延若專
事防堵賊黨勢必日多且以百餘名賊亦無需千餘名
兵緩急多少之間萬乞迅速酌辦幸無一波未平一波
又起以致兵餉皆不可支也計開廣臨元已撥兵三百

名又得愛參將帶兵數百往捕兵數已相倍蓰何不可
了事也記前閱犯供內有駱掌教手下人多一語或卽
商之西道委員速往招致此人使爲我用卽令誘擒陝
西董姓亦以毒攻毒之法

黃惺溪觀察 二月十五日

初八十二等日連寄兩檄想均青照日來雲州散匪曾
否就緒此事關係甚重固不可牽斷不可遲但得多獻
一匪卽少一害惟經費更形支絀耳既有保全良回成

李文恭公文集

卷八

滇南軍書

七

說勢必不可食言此時惟威信二字可望得力大營諸
公未卜見得透否龍街查拏利在神速陝匪董姓必先
指名勒交餘不窮究且前犯供詞內有駱掌教手下人
多一語或卽及早收用仍是以回擒回之法窆泥橋惡
練擾害則更法無可貸統惟密速圖之附寄十四日奏
稿一件乞收

又二月十七日

接初十日會函知張馬二犯家屬及屍身首級已經分

別起解此事在省訊辦原爲加倍慎重要以就近查拏爲憑如果張犯左領額舊傷此次不謀而合似亦骷髏之一證又該犯田房契一包曾否提到併解印契確有姓名非鎗矛衣物通共可比將來奏結徵實以釋

聖心之疑至要犯前後現獲三十四名似併漢奸在內其猛浪所獲各犯曾否併計應如何歸案定罪想已籌商廉訪畫一辦理

又二月十九日

李文恭公文集

卷八

滇南軍書

八

頃奉十一日惠翰並清摺另稟三件事擾累之由非練丁藉端卽雇練惜費地方官又各分畛域不能善爲經理以致人各一詞旣經飭委諸署令前往會辦當不難於就緒厥員飾詞誘過亦在意中已由省飭委高令往查矣雲州回寨匪黨此時恐無要犯可獻昨接大營來信似籌辦尙無把握長此守株待兔非特無以養威且適足以貽笑至軍餉目前支絀日後報銷萬難又不

煩瑣述矣

又二月二十一日

比盼雲州安撫以日爲歲或飭許令先行入署次第辦事或促該寨紳耆商確上緊誘擒雖成說已允保全而不忍破寨之意未可令外回先測並未可令良回深恃庶幾收局有成若如提軍書云總不可求之太急試問相持數旬旣未獻匪又未接仗尙云求之太急耶師老而疲威不可恃止有養威示信之法大局始下得去想卓籌必臻妥速也龍街聚匪能迅獲首犯兼用解散或不致又起一波遲則不可知矣瓦泥溝事亦相類猛浪兵必先撤大營進止全賴鼎力圖之無以游移榻日坐糜巨餉千萬千萬張犯家屬已由蒙化審轉犯弟張小老曾否從逆現在何處亦望確速查覆契帑一包曾否併解如實係犯產查明後亦可變價給其母妻爲養活也外南信一件祈收入

又二月二十一日

接十四日惠翰欣悉馬得喜一犯續經回寨捆獻驗明

屬實誠爲喜出望外惜其中途先斃未能明正典刑然積年兇渠一律殄滅非老手持心堅定遠慮深謀何能有此快事至散匪撤兵諸務現經台旌赴雲籌辦當益妥遠怵慰無已其馬欄相三犯如該寨良回皆曰可殺亦大快人心之舉張犯母妻到省審明後當予遷徙孽種馬扶科亦必有以處之猛浪漢民不平止須明白開導無盡殺乃止之理龍街聚匪雖散難保不顧而之他務望就近嚴飭各口加倍防範一面大張曉諭將雲州

李文恭公文集

卷八

滇南軍書

十

逆回伏誅良回守法備悉示知以勸懲各得之文寫哀矜勿喜之意似勝萬餘兵練三月翱翔也

蔭興堂提軍

二月二十一日

得十四日惠答欣悉馬得喜一犯續經回寨捆獻此積年著名首惡幸而得之可稱快事固由將士奮勇良善輸誠要皆軍門德威有以致之也現當解散脅從酌撤弁兵必與惺翁篳谷諸君卽日妥速辨結爲迤西造福無窮矣永平漾濞一帶匪徒出沒無常萬祈先幾預防

俾各相安無事存參將謀勇俱可夙爲閣下優眷當更就近効曆指也

蔭興堂提軍李子廉鎮軍黃惺溪觀察

二月二十八日

頃接二十日會函藉悉雲州散匪現經同心籌辦漸就帖然惟緬甯外回旣不能歸又不能住總在該寨矜耆協力安置以期勢分而弱無滋他擾耳又永平一帶匪徒聚散無常餘波在所不免或俟雲州兵練酌撤歸伍卽爲順道查辦先之以聲威繼之以恩信能將匪首董李文恭公文集卷八滇南軍書士

老官擒獲懲究餘可望風斂跡否則大局甫定復煩兵力須另起鑪竈矣統惟相機酌定爲要許令風議侃侃似可倚爲老手乃怯懦若此耶要知此時到署縱有反覆必無戕官之理一味逡巡轉以示弱萬萬不可張犯家屬及二馬昨日已據解到先飭首府傳訊俟犯屍到日重檢覆鞫以昭慎重二十三日奉

廷寄以徐仲翁奏片內云張犯曾隨地方官前赴右甸復隨往緬甯營前均奉

殊直並著卽行撤回仍查投誠是否真心確切復奏
茲回犯乃煩

帝心注慮至於再四可凜然也

又三月初一日

二十九日恭錄

廷諭一件密咨飛遞想已祇悉匪徒頻年反覆久切

宸廑是以再三申戒我輩肩茲重任何敢將就目前如

雲州此次情形屢據來翰所云當不致有他慮而散匪

李文恭公文集

卷八

滇南軍書

三

一節卽煩擘畫精詳慎之又慎日來已就緒否念念外
此聚散靡定仇隙易生將防患於未然必振威於不竭
計永平漾濞等處如能訪出犯首指名擒治似亦見幾
先著專尙防堵終無了期前函已備言之祈賜採擇妥
速酌辦

黃惺溪觀察

三月初二日

雲州回寨當旌麾親莅時旣知老幼歡迎恪遵剴諭而
脅從分起安置彼此尙無猜妨似可無虞反覆其修房

平濠諸務自同善後酌辦現畱委員胡牧幫許署牧籌
維并畱子廉暫爲鎮壓皆題中應有之義子廉卽有小
恙亦可小駐醫調無須函商瓜代騰越邊防緊要甚不
願易生手也胡牧賢勞亦久在念英齋二十七日自省
起程本月望後當抵順彼時元旋本任或仍畱胡牧隨
辦善後駕輕就熟亦甚相宜彭牧本不可靠且張富投
誠復竄如奉

旨查參原辦各員則更咎無可諉又張富隨緬雇練如
李文恭公文集 卷八 滇南軍書 三
奉

飭查何員帶往彭牧其能瓦全耶馬幘相三犯究竟如
何辦結想經熟審持平猛庭案不得范小黑等犯終是
不了之局卽如訓導馬聯超等皆不共戴天者須先幾
審處爲要

蔭興堂提軍

二月初二日

頃奉二十二日會函備悉雲州大舉業經威惠兼施慎
重歲事且當節靡親莅寨民歡迎夾道共領訓言似可

日臻救定惟兵練次第撤退及一切善後事宜均煩盡
畫未免獨任賢勞且雲州以外匪黨伏處不免必須趁
此兵威於大旆還轅時順道相機清理庶不再生枝節
耳子廉此番督勦勇銳敢前屢經上達

天聽俟前摺回日再當核實乞

恩騰越邊防要緊正資熟手深不願其暫離現當小駐
雲州亦可藉以將養無須急於進省也永平漾濞一帶
實在情形如何仍祈飭探明確以時函示爲要

李文恭公文集

卷八

滇南軍書

十四

黃惺溪觀察

三月初五日

雲事粗定而永平漾濞一帶回匪聚散靡常誠如
廷諭倘官兵甫撤而匪徒滋擾如故豈不又中奸計耶
卽李守所稟未爲無見趁此酌撤兵練自應就近密致
提軍熟審機宜順道查辦總在出其不意聲東擊西能
將匪首擒治餘黨諒可瓦解若專事防堵彈壓則若輩
糾約準備日聚日多又成不了之局卽施甸抹洛登等
處既有糾集之信悉賴精心速籌或竟委員前往曉諭

解散告以右甸一案現在據馬聯超等呈詞上緊查傳
究辦必不使有負屈一面將范小黑輩設法誘擒毋使
他竄亦攻心之法也若漢回勢不兩立仇怨日深一時
無從疏解惟有遇事持平銖兩悉稱有犯卽辦從速從
嚴各盡我輩心力人言不遑顧矣楊道長奏件擬俟全
案辦結卽行覆奏張小老一犯務獲或以傳令來省領
張木氏爲詞使之坦然無疑也邊事甚繁務協機要統
望悉力籌之

李文恭公文集

卷八

滇南軍書

五

蔭興堂提軍

三月初六日

頃奉二十六日會函并承密示均悉雲州大致粗定留
防自協機宜惟永平漾濞一帶既有游匪萌芽自應亟
爲查辦雖經派兵彈壓未必卽能了事似宜台旌回榆
迂道前往以巡防閱兵爲名出其不意將回匪董老官
練匪范小黑輩設計誘擒餘必聞風斂跡已據永昌來
稟備文密商矣前日欽奉

廷諭有官兵甫撤而滋擾如故豈不又中奸計之

旨我輩責成極重不敢不防患未然以致餘波迭生又
煩兵力非過慮也文員開導一節先經札飭臬司西道
卽就各委員分途派往妥辦武弁拔補一節果於軍營
出力何防破格准升但恩不可濫耳俟寄到清單卽行
酌復又陣亡受傷各兵丁卽望確查咨示以憑照例辦
理禱切禱切

黃惺溪觀察

三月初八日

頃首府呈閱保山來稟藉悉委員會勘右甸練匪竟敢

李文恭公文集

卷八

滇南軍書

六

抗拒此必范小黑輩爲之謀主倚眾逞刁必須早爲之
所似宜提戎大旆借迂道閱伍爲名先傳該犯到營商
辦永平餘匪爲餌虎離山之計再行諭眾解散聽候查
辦前案斯爲不勞而獲倘敢匿藏不出公然挾制卽須
分布兵練指名圍拏仍卽出示懸賞務獲懲辦並諭脅
從罔治一以懾刁民之膽一以安回眾之心如能辦理
得手右甸亦無虞報復總在相機設計密速圖之大約
誘擒爲上次卽圍拏若聽匪之所爲更復何所不至且

恐勾結七哨釀成巨患尤宜及早預防卽密致永昌李
守傳諭該處衿民毋稍聽糾貽累千萬千萬又張富所
買券橋地方田房一分當飭諸署令查傳原賣之楊有
義楊蘇氏并所供中證撒光海梅貢生之子到案取供
寄省以資印證所有全案供招想早送蒙化矣

蔭興堂提軍黃惺溪觀察

三月十一日

頃展初二日惠函藉悉一切雲州近事亟宜寨內肅清
使州民兩無疑畏由地方官開誠安撫并該寨酌出賠

李文恭公文集

卷八

滇南軍書

七

資以釋積怨查辦主使一節似尙非先務也此外分途
緝拏非得大力主持相機操縱則弁兵散而無紀甚慮
有損無益不可不慎重出之巴都司久知其能俟奏結
全案再爲酌辦

黃惺溪觀察

三月十四日

雲州漢回相處猜忌未卽釋然全在地方官開誠布公
久自相安如故范小黑等倚眾逞刁此時如不誘擒恐
爲禍始能得左練順道辦理或可得手殊心系之聞永

平所屬蜜場坡頭兩處頗有回匪竄伏未知確否趁此酌撤兵練應由提戎相機清理較另起爐竈便宜實多前奉

廷諭申嚴自不敢一毫將就也雲寨全案供看大致均妥俟由臬彙詳當再酌定奏結愛參將猛浪擒匪亦用馬天明爲間軍功自不可掩也

又三月二十一日

接十三日惠書藉悉雲寨外回散歸安帖復呈砲械等

李文恭公文集

卷八

滇南軍書

六

件各寨如能續繳消息大佳惟貼補修房之資能否如數交出總在署州委員相機圖之右甸案斷不可忽非將計就計得范小黑等數犯先行審究則無以服原告之心亦無以弭將來之衅左練順道查辦佇望好音此與永平各路皆現在緊要關鍵卓見必以爲然

蔭興堂提軍

三月二十一日

頃接十二日惠書藉悉永平永定漾濞三路均經飭委弁兵分途查辦似須先探賊蹤并得賊首下落出其不

意一鼓成擒乃爲上策否則賊無定所兵亦無先幾矣
保回必須招徠已與英齋在省熟商祈就近屬致永昌
永平保山三處作何安置之法萬勿聽其自然也至漢
回積怨何能一旦釋然要在地方官善爲開導遇事持
平常視無事如有事耳回弁酌調事亦可行子廉宦局
自難預定非熟悉邊要則亦無可措詞矣順雲普洱兩
守備現應更調之處容卽查明奉覆

黃惺溪觀察

三月二十五日

李文恭公文集

卷八

滇南軍書

九

范小黑旣已弋獲猛庭案有端倪但畱永恐致浮言解
省又防疎脫已飛飭該府悉心體察如可解省審辦仍
須勁練護過榆城也左大雄此舉與象山戰功略同誠
爲可愛承示守備世襲尙覺賞不酬勞惟具題必干部
駁擬敘出力各員專片爲乞

恩施也二月十四日報回乃荷

特旨優獎愧悚難名雲州攻匪擒渠實在事諸君子之
力豈遠隔千里所能指揮如意耶

又四月初二日

雲州甫定難民亟待撫綏寨回亦須駕馭許令旣託疾
求去高經歷暫代終不稱題已改委胡牧就近接署固
知事非所願而以盤錯別利器所屬望者甚殷張倅亦
能事緬甯現關緊要當卽如示札委然全局規模總須
大力草創前函已瀝陳之并飛調陸丞迅速赴順隨同
學習數月以備替人之用度長者諒此苦心必鑒而許
之也

李文恭公文集

卷八

滇南軍書

三

蔭興堂提軍

四月初八日

頃展四月朔惠函知施從已過右甸卽日由永旋榆行
程安吉式符欣頌前書奉商一切原以軍務甫定搜除
零匪最爲當務之急誠如

聖諭倘我兵甫撤而匪徒滋擾如前不可不預爲防範
故擬元旋順道相機清理意在先以偵探次以勒拏近
藉聲威聊資鎮懾非遽事張皇也卽如右甸范黨糾眾
奪旬斃練攔搶與大夥抗拒何異非趁兵力兜擒安能

望其就獲乃鄂署協撤兵路過周守備帶兵彈壓均未
與地方文武設法查辦僅以匪黨逃散爲詞試思匪黨
逃散究歸何處且如此巨案豈能任其逃散過而不問
耶亦何怪迤西游匪頻年反覆勞師糜餉迨無已時也
旣恐查拏滋衅則防兵駐甸似亦無勞統祈酌定

黃惺溪觀察

四月十四日

滇省近今之患皆曰回漢不和實則回固強橫漢尤跋
扈而積弱不振則將與兵爲之兵又由將爲之以縱爲

李文恭公文集

卷八

滇南軍書

三

寬以濫爲賞若威信二字未之前聞亦無怪匪徒充斥
不可究詰也卽如右甸范黨敢於聚眾奪犯殺練劫馱
此非濟以兵力豈能緝獲羣兇乃就近彈壓者岸然不
動奉委偵緝者且望望然去之卽提戎書來亦以彼旣
畏罪逃散不可移兵勒拏爲解可勝浩歎當經據理直
言并飛飭英齋督辦時英齋已早過右甸矣永平大致
亦止一過回榆魯難未已杞憂莫釋空拳獨奮眠食不
遑益念雲州之役非老謀卓見持以堅忍安得有此局

面來日大難爲愀然也

李文恭公文集

卷八

滇南軍書

三



李文恭公文集

李文恭公文集卷九目錄

湘陰李星沅石梧著

男 櫬 編次

櫬 櫬 櫬

粵西軍書

勞辛陔中丞

徐仲紳制軍

駱顥門中丞

向欣然提軍

李文恭公文集

卷九目錄

向欣然提軍

徐仲紳制軍

向欣然提軍

向欣然提軍

徐仲紳制軍

勞辛陔中丞

向欣然提軍

向欣然提軍

楊中貺廉訪

駱顓門中丞

楊中貺廉訪

林可舟觀察

向欣然提軍

勞辛陔中丞

勞辛陔中丞

楊中貺廉訪

李文恭公文集

卷九目錄

勞辛陔中丞

庚戌十二月初五日

前月二十日冗中奉寄數行何時始達荃覽本月初二日馳抵桂林始知旌旆分駐梧州本境零匪尙資鎮定而水路大黃江陸路金田村兩股賊匪均與潯州切近業經飭委成參將帶兵由平南進攻黔兵楚兵次第趕到向提戎由貴縣追賊赴潯計可乘勝攻擊未卜何路爲先有云張富復生者是否緩兵之計抑將售我以詐又或竟作羅天鵬後步均難懸斷想在燭照之中兵法李文恭公文集

卷九

粵西軍書

一

奇正相生原無十成語也金田村舉動尤可立見其涸得如欣然者二三人眞不足一盼矣隆安聞亦有賊計滇兵入境相值已飭預備追勦但未審帶兵何人耳仲銘議請籌餉自係要着而開章頗難或先葫蘆一提如何報効可行然亦緩不濟急有賊處用勦無賊處用守團練豈可緩耶所欲奉商者多亟思良晤以有會勦之責勢難聚於一隅彼此不能策應躊躇四顧擬暫駐柳州各路均不甚遠隨時再酌同行得暢生足資熟手佛

生及三兒相隨聞小樵範五尙滯平樂悶悶晤夢翁屬
仍借兵潮陽已照辦矣

徐仲紳制軍

十二月初五日

前由日升號奉寄一函未卜何時鑒入辰維崇祺式集
督勦宣勤眷倚益隆頌慶無似英德一帶聞已決勝擒
渠萑苻漸就掃盪尤以爲抃沆家居娛養適有使粵之
命卽日趨程茲於臘月初二行抵桂林擬往柳州分駐
會商勦辦大局潰決幾無完膚輜才罔知所措夙荷垂
李文恭公文集 卷九 粵西軍書 二
厘後進惟祈切示南鍼俾不迷於所往感切禱切此間
兵力尙薄必不得已仰希東壁分輝潮營久稱勁旅乞
卽飭撥千名並賜得力鎮將管帶來粵用資調遣拜德
實無涯量除備文咨調外手肅專懇

再沆奉給關防久未遞到似由粵東轉遞亦無部文行
知未審節府見有明文否謹以附詢敢祈示及

駱顛門中丞

十二月初五日

行期鹿鹿未獲走敘別忱備蒙譜誼殷垂無微不至復

叨騶從枉送縈感何涯辰維勛履雲綬

恩綸春渥定符頌臆沅兼程前進已於臘月初二行抵
桂林探訪各路賊情較傳聞尤爲駭聽向提戎屢得勝
仗而蔓延地廣匪夥紛歧不知從何着手大衍撥項將
罄何以繼之祇深焦灼提戎現往潯州辛階現駐梧州
沅擬暫駐柳州居中策應兵力強弱多寡均在鑒中必
須利器制勝除備文咨商外其價值估定卽由沅處墊
給或官紳有願捐辦者亦從其便總期得用從速不虛

李文恭公文集

卷九

粵西軍書

三

此舉極荷關垂統祈督飭趕辦未盡之意望於面晤家
舅氏時商之

向欣然提軍 十二月初五日

廣西軍務日久蔓延自移節督勦連得勝仗賊始知有
兵威沅幸托同舟備聞勇略欽服之至據潯州探報賊
匪大頭羊等現在大黃江一帶排船安砲河道梗塞而
府城對岸又有金田村尙地會另股賊匪糾結十二村
爲患號稱萬數其實強暴無多一擊卽散如水陸難於

並進或先攻此股而分兵以防夾攻計楚黔官兵均在
麾下如何酌撥進勦迅奏膚功必有成算沅軍旅未學
一切悉聽指揮絕不妄參末見惟翹首以俟捷音也甫
到桂林匆匆布念

又十二月初六日

本月初五日隨咨文奉寄手函度可入覽比想旌旆由
貴縣馳抵潯州督勦宣勤曷勝馳企大黃江金田村均
離潯州不遠我兵未免牽制必以牽制之法施之兩處

李文恭公文集

卷九

粵西軍書

四

賊匪使其畏首畏尾互相猜疑方能得手似金田村一
股宜先用全力攻之此股一破餘皆瓦解大黃江賊船
佔住上水我兵必繞出其上前後夾攻或另有辦法均
乞酌定至匪徒利用滾籩我兵或先列長針刺其籩上
再以火器轟攻或刀矛直接乃不爲彼所擾亦古人破
拐子馬之法夙欽智勇兼全所至無敵此番勦賊全仗
雄才沅斷不參成見昨奏報到省計摺片共三件不敢
發房具咨茲由內全錄一分寄請閣後密存無令他人

見之也千萬千萬沅尚未接到關防文札均係借印手
信則小印爲記祈收覽時留心

徐仲紳制軍

十二月初八日

初五日奉寄一函隨咨飛遞度邀電察辰維勳祺駿集
帝眷鴻釐且頌且忱沅甫發到省摺卽當馳赴柳州暫
駐籌勦因入境遄速文檄未行關防亦未接到各營稟
報尙須飭知擬二三日再詣前途頃閱本省武官毋似
缺多人少非獨難資調遣城守亦亟需才雖有揀發仍
難敷用計節府智珠在握自己燭照無遺不揣冒昧可
否酌派東省將官來西委署沅亦藉收臂指紉惠實無
旣極除咨商外手此奉布

再此間才難之歎令人惘然沅初到生疎尤深冰凜必
不得已暫留夢翁咨詢水母目蝦度爲識者所笑然必
鑒而憐之也未盡之意伏乞心照

再此間軍械甚不得用亦不可考殊切焦急可否於飭
委將官之便酌帶器械前來暫濟然眉至要至要

向欣然提軍 十二月初八日

本月初五初六連寄兩函未卜何日入覽頃聞台旆未到潯州官兵進攻金田村黔將有失不審確否刻盼該處稟報懸念之至大約賊匪眾多必先迎面誘我接戰而用伏兵旁抄裏擊使我兵不能相顧古人所以貴策應也如賊兵分擾我兵分前後兩股仍是兩面夾擊必察看道路乃可深入窮追不以輕敵致挫其滾簿作何破法糧道作何截法自早籌定村匪果眾但能堵截糧道雖不戰而自困矣平南所駐貴標官兵應否撤回柳州抑調派他處併祈酌示聞金田村內通五州縣必於要隘堵塞使彼米糧不繼自然潰散但防鋌而走險直撲我營似宜設伏待之日夜嚴防無懈可擊大黃江一股如何接待併望籌之兵貴神速亦貴萬全老手自有神算也

又 十二月初十日

桂林連寄三函度均青照黔兵聞有失尚未接據稟報

刻深懸念計節華抵潯州後自能運籌決勝一掃妖氛
似金田聚集人多又有山人冲股匪恐其併而爲一則
我兵難於合圍止可以黔楚之兵並本處壯勇五千人
全力進攻仍分兩路接應以防如前圍裏致少救援大
頭羊等如果歸心隨同出力即可令衝頭陣殺賊立功
也倘村匪擊散似須一面招撫一面分兵防堵如象州
切近已飭上緊團練併札貴標訥將挑選精兵三百名
前往駐紮其修仁需兵之處并望酌撥本標二百名往
守以備不虞況今夕住蘇橋十四可抵柳郡佇盼好音

徐仲紳制軍

十二月十四日

月初在省連上兩函附陳瑣縷想邀鑒諒頃吳仲銘談
悉知關防已飭委員賫送起程計行抵柳州不過廿日
以內文札鈐用較便拜德何已惟賊氛方熾潯州桂平
金田村一股人數尤多必須厚集兵力大加勦辦各匪
始有畏志漸次殄除乃聞前月杪黔兵已至小挫爲之
氣結卽飛致提戎馳往養精蓄銳務期轉敗爲功否則

不可思議南甯太平一帶雖經札飭滇兵迅由百色會
勦日內尙無消息筋脈懈弛瘡痍潰爛盧扁亦將束手
况不慮扁耶憂心如焚無可告語惟盡懷垂注數千里
如一堂也初五日摺稿一件片三件錄以奉覽似無須
發房祈密存之

前函奉乞添派潮州兵千名並遴員來署武職此時實
不可緩以賊多兵少事多人少肘見踵決萬難爲計夙
荷厘顧故敢瀆陳

李文恭公文集

卷九

粵西軍書

八

勞辛陔中丞

十二月十六日

黔兵小挫至今未見明文咎將誰屬公瑾當阿衡之去
何以竟無救應聞有張福引導確否人言紛紛有謂售
我以詐亦有謂同時被創者何來示未之及也滇兵遇
盜接仗敵李止稱廿四獲勝而於廿五再接則云彼器
堅猛間有傷亡匪黨仍爲擊走逃入都結土司地方隆
安水陸皆通南甯府縣尙未據報殊深懸慮目前所恃
惟同鄉勁旅昨聞石陵墟亦有失事尙在窮追子平撤

令赴潯未審確否據子平寄省書直云非得真君子不能收效此卽暫置南太仍屬不敷且上林宜山之交現有賊匪闖入似卽目前所追擊者得毋類爲九頭烏耶前咨廣東添調潮兵千名未必卽得而滎陽之意欲再借助於黔似與輕爲徵調之

旨不期而合春明坐論專主殲除但使恢恢有餘何必成行是效輕重緩急倘不稍爲權衡恐治絲而夢爲叢驅雀非不才所敢知也

李文恭公文集

卷九

粵西軍書

九

寄諭全錄備覽張守已咨調銀沆已入都彭武舉尙不知誰何搖練不離山閩勇不離海未必能供指臂團練果辦自是上策其如人心不齊經費無出何哉龍憑營都司譚承德經城北指參亦飭查復想早撤之一切軍報卽如示由此轉達但恐無可達耳

向欣然提軍

十二月十七日

節旄暫駐貴縣督勦大洋墟股匪計日諒已竣事按轡潯州沅幸附同舟亟思趨聆大教暢敘一切因柳州適

中之地南甯太平慶遠均可兼顧潯州相距尤近便於
函商調度且象州之花路村上林宜山交界之馬蹄墟
羅墨渡現有賊匪竄踞逼近柳州不能不暫資鎮壓所
有已經咨調滇兵二千名亦卽如示札飭李鎮飛速管
帶由南甯水路赴潯會合黔兵二千名均歸左右調派
卽奏膚功誠如高見先滅金田大夥然後以得勝之師
分路勦捕用力較易惟南太一路空虛已飭德惠兩鎮
會督府縣相機妥辦目前或無他慮也至另函商調一
李文恭公文集 卷九 粵西軍書 一

節原期羣力分司但湖南余提戎現在交界防堵必難
入粵雲南鶴麗鎮離此太遠又與臨元鎮相等亦多不
便止可將貴州兵需人統帶奏調秦提戎前來然亦緩
不濟急其未到之先仍祈閣下合滇兵一併督帶分布
合勦非止楚兵久隸麾下爭先決勝必不能另交生手
也賢者多勞事權必歸畫一泰山之靠全省交推豈沅
一人私言耶張壽軒報尙未回如蒙

恩添派帶兵大員則秦提戎亦無須再調且看日內來

音如何

再金田賊匪甚眾所需糧食必由各縣接濟沉已密飭
交界五州縣扼要防勦斷其糧道使之乏食自困仍乞
就近飭辦又該處背倚徭山如能添雇徭練直攻其後
使之腹背受敵可助官兵一臂又該匪仿製兵勇號褂
我兵必另作記認如次日開仗前一夕始密行傳知以
免漏洩混雜又該處山境叢雜我兵四面進攻必先探
明道路緊防賊匪旁襲如何分起接應老成自操勝算
無煩多言惟知已諒之

李文恭公文集

卷九

粵西軍書

十一

再劉守所收之人是否真心出力與陶八同犯多案非
奮勇殺賊何以自贖前愆且外間傳聞異辭此間未能
懸斷務祈悉心體察知不能出掌握中也

又 十二月十八日

昨日由陳守備奉復手函十紙度已青及頃復接初八
日賜翰並公牘備荷注存且頌且感金田賊氛方熾自
應先其所急併力進攻滇兵如示札調約廿五六日可

齊專仗運籌布置以決全勝聞該匪囊沙扎箴徑至大黃江焚掠自爲乏食而來水陸必難兼顧我兵能用全力由陸路合圍另以梟勇擊之水路較易得手高才自有權宜滇兵在隆安一勝一負仍須蓄其銳氣使與黔兵同效指揮惟南太兵少賊多上林宜山之交又有大夥竄踞慶遠固須戒嚴卽柳州亦多風鶴沅暫資坐鎮不及良覲早諧時縈渴想擬甘間會列台銜先將籌勦

金田賊匪及請

李文恭公文集

卷九

粵西軍書

十一

簡調貴州提戎或鎮遠秦總戎前來分伍攻勦又另片會參李副將等三人先行革問容拜摺後錄寄均祈內署收存可無須發房也

楊中貺廉訪

十二月十八日

金田賊勢方熾其囊沙扎箴自爲沿河搶掠聞在大黃江與大頭羊開仗此亦因利乘便之時官兵專攻巢穴或雇搖練夾擊諒難久於負隅但須水路有牽制耳滇兵一勝一負暫宜養其銳氣使與黔楚同心均由提戎

布置惟南太空虛可慮則上林宜山交界之馬蹄墟賊
匪亟難勦洗沅居中策遣妙手空空刻深焦急

駱顛門中丞

十二月二十日

桂平金田村一股結會僭號聚眾萬餘前月廿九日黔
兵已致小挫實屬罪不容誅現擬三省官兵合力進勦
誠能辦理得手餘匪以次勦除漸就殄滅然已獅子搏
兔矣火箭爲行軍利器前議於長沙趕造當經附片奏
明目前自己飭辦約得一二千枝卽祈仍派彭弁領運
李文恭公文集 卷九 粵西軍書 三
地雷則由紳製勢不能相迫促要以速爲要耳

楊中貺廉訪

十二月二十日

頃得十五惠函知金田賊匪現據大黃江一帶覓食且
有船可渡水路任其所之亟宜預爲之備多樹之敵設
我兵由陸進攻而被分夥撲來先宜擇要設伏務練固
可臂助此外尙資羣力卽壯勇亦宜酌畱無爲叢驅雀
也偵探最要得人如前次仿製號褂之類皆以無探致
誤提戎久經行陣勇略過人必不輕於一試望隨時密

商妥辦滇兵由南甯水路赴潯約在年底始到矣再匪
巢闔多小路田坎我兵不能站脚必游兵誘出平行地
方或扼住隘口始可聚而殲之藉免泥淖之慮小路尤
防抄襲必先佔地利乃進退自如計熟商之矣

林可舟觀察

十二月二十日

修仁桐木等處誠爲喫緊既經阿副將帶兵前往如果
賊蹤漸邇卽望預屬於鄰近協營咨調一面飛稟聲核
昨元凱密單云左右曾雇閩勇最爲得力此時賊多兵
少計無便於此者務祈酌量雇用以濟急需

向欣然提軍

十二月二十一日

本月初八初十七十八連寄四函均手泐未旬均要
入否頃聞十六日申刻旌旆抵潯兩月以來督辦

此時略可將息全局通籌計滇兵由南甯水路到在年

一壯勇留助聲勢方不可少但防賊黨混入

底合黔楚兵均聽指揮以決大勝金田賊匪愈驕愈好

辦且靜中布置乘間制之聞賊將竄平南我兵無多非
設伏不可然須明白將官奮勇遵辦大洋墟一股消息

如何據桂平來稟宜里二十餘村多爲賊踞想在金田附近也大黃江彼此相持似可因利乘便助我兵力分彼賊勢統希相時密籌李英庸懦可恨下次卽須會參應否與李殿元三人同糾抑仍議功止革務望速示照辦又聞潯州兵勇惑於賊有邪術須安其心壯其膽諒必有妙用也大凡賊必托邪以惑人斷不能以邪取勝惟會匪人多恃強須勝以勇尤須勝以謀耳此股得手其餘較好分攻全省恃麾下爲長城千萬爲國自玉沅

李文恭公文集

卷九

粵西軍書

十五

暫駐柳州四處頗有風鶴聊資鎮壓

潯州文委如張劉陳三守才均可用張則沅所素識者雲南李鎮軍雖未見過而雲州回匪皆其出力勦辦是以沅會據實保奏此次近列左右自可隨時酌商貴州周署鎮聞體氣稍弱能否得力祈留意彭長春擬令回長沙催造火器並聞祈密之

勞辛陔中丞

十二月二十一日

十六日甫發一函頗詳悉旋接初十日賜翰公牘摺稿

各件知黔兵思旺兩事均已奏報惟李殿元等加嚴革
問此間易於下筆可恨金田會匪日肆披猖竟敢焚掠
勒贖且踞大黃江墟以毒攻毒尚無小效而附近脅從
亦多提戎書來必欲厚集兵力誠爲卓見只好照咨札
調滇兵由南甯水路馳往合黔兵均歸提戎布置以期
事權歸一南太慶思之間亦聞風鶴然不得不先務爲
急也提戎十六至潯自俟滇兵到齊開仗能如狄武襄
故事乃強人意至提鎮三員之請頗難措詞已於黔中
潭公忽挫石陵是其

提戎咨來怒極摺報已發雷

俟下回難與三公軒輊是大枯窘題滇鎮在隆安亦

有勝負但須蓄其銳氣與黔兵同掃金田也新舊二張

不作變體文字更覺治絲而棼非言之艱行之艱安得

某公前來領兵耶沅另有一作畧及舊事且看如何評

論稍遲錄寄呈覽各官及奉查各城實際又譚承德一類將來須會覆卽有單覆者亦維聞見最確望從容脫稿先以密單彙示專足付來也

又 十二月二十二日

子平十六到彼如何布置尙無信來而外間訛言駭聽恐由奸細造作已出示曉諭兼飭密查象州前因平南花路村爲賊竄踞當派提標兵三百名馳往協防近日賊復歸巢仍飭扼要堵截添雇搖練備用修仁亦派在

李文恭公文集

卷九

粵西軍書

七

籍技效之林牧紹恩前往幫辦官兵有無則均在鑒中矣向例軍營有年賞此時各處相距恐難一律儼每兵一名賞銀二錢壯勇稱是當共商之欣然就近飭糧台酌擬卓見以爲何如祈卽就近酌發又據貴州官兵前月廿九日傷亡兵冊由糧台轉呈是否分起卽行咨部抑將來彙咨之處此間無案可查亦望飛示慶遠馬蹄墟一股賊匪據鄭守云已散逸另股匪首張晚已就擒卽將解柳審決大黃爲匪竄擾以鵠抵鳩分攻可挫欣

然必見及此卯金由梧而上想早面授機宜自來辦賊之法不外能散其黨多樹之敵若如元凱所云豈一二年所能了耶

楊中貺廉訪 十二月二十二日

聞提戎十六日下午莅潯紮營東門河口此間尙未得信意俟略爲布置再行寄知其追勦勤勞精力能如前否刻深懸念祈晤時及之滇兵到潯約在臘尾全局賴提戎總持貴州周署鎮亦宜加意振作誓欲報仇雪恥李文恭公文集 卷九 粵西軍書 六

無得頽然自阻亦祈傳語敦戒切屬切屬年賞無案可查祈晤提戎酌示或有舊案卽速復李令熙筠相見否外間訛言易滋諸望慎密來信可用釘封

李文恭公文集卷十目錄

湘陰李星沅石梧著

男
概
椽
編次

粵西軍書

徐仲紳制軍

徐仲紳制軍

向欣然提軍

楊中旣廉訪

李文恭公文集

卷十目錄

勞辛陔中丞

向欣然提軍

向欣然提軍

楊中旣廉訪

向欣然提軍

向欣然提軍

周敬修中丞

楊中旣廉訪

向欣然提軍

勞辛陔中丞

李文恭公文集

卷十目錄

徐仲紳制軍 十二月二十三日

抵粵後連上三函并公牘摺稿度均鑒入頃委員賞到
關防雜誦手札備叨指示紉荷無涯敬承簪纒凝寐節
樓楸績韶華日近渥眷春濃且頌且忭尊恙久經平復
仍祝珍衛因時事會之乘動勞蓋畫公望交屬忠勸維

殷五中無任欽系沉自月初小住桂林月半馳抵柳郡

馬蹄墟間已逸去而上林羅墟復傳聚匪已飭思恩

遠如南太近如慶思類皆風聲鶴唳潯州尤爲喫緊此

速查辦矣

間地較適中是以暫駐調度現查各路賊勢南太亦復

李文恭公文集

卷十

粵西軍書

一

不輕前經札飭雲南官兵會同左右兩鎮暨署道府分

途勦辦而潯州鴟張甚急黔兵往攻金田已有小挫彼

眾我寡亟須厚集兵力設法進勦欣然幸該意見相同

南太仍飭兩鎮道會辦

止得札調滇兵由南甯水路前往均聽欣然布置欣然

十六日甫由橫州貴縣抵潯紮營河口意亦少俟滇兵

承示勦賊機宜不期而合如辦理得手卽可以次翦除

此股人數旣多賊巢險固又會匪不比土匪聲息隨處

皆通近復竄踞大黃江水陸聯爲一氣誠腹心大患也

本省兵無可用客兵湖南較得力然亦爲數無多前請派撥潮兵千名勢不可緩定邀允行將才則更爲難一薛居州思之惴惴此君勇冠三軍誠不易得前繳各件近已交到容再奉商此時實不暇及

又 十二月二十三日

本日甫肅復函縷陳壹是交賞印委員帶呈亥刻接奉十二日手答並公牘敬悉潮兵之請未卽准行廉州實在情形正須調度進勦此亦何敢再瀆惟粵西全局潰

李文恭公文集

卷十

粵西軍書

二

爛此滅彼生南太賊勢方張而桂平金田一帶尤踞水陸要害不得不先其所急暫令滇兵合黔楚兵全力會勦然南太時切懸懸次如象州修仁永安武宣與平南均屬切膚亟須盡其在我頃據博白稟報亦難視同膜外通盤籌計非現在君子可了本地風光更無取處卽欲再資鄰照亦皆緩不濟急是以迭次乞援知垂念轄疆必邀兼顧加以後進呼籲夙荷心期亦何忍索之枯肆見在東奔西竄已無畛域可分如西粵蔓延東粵亦

無安宇直是同病相憐斷不能是二是一萬祈仍如前
請或潮兵難得亦可量撥他營俟抵西之日當令於兩
省交界扼要堵截以期兩有裨益虔俟鑒而許之也沉
以無能有疾之身幸遂歸養獲落自甘驟任重肩危如
履虎惟有殫精竭慮稍效涓埃他不防豫計矣勁旅固
難驍將尤罕滇黔已見大意卽楚人乍離頗牧亦復尋
常顧安得三四頗牧分投奏捷一洗妖氛耶所欲言者
無窮然不能盡諸紙筆福躔相望深於饑渴

李文恭公文集

卷十

粵西軍書

三

再博白近接鬱林既有合浦賊匪竄擾安知非金田同
氣互爲聲援務乞嚴飭交界認真堵截不至富以其鄰
知韜鈴必有妙用也凡與西毗連各屬均望切諭爲要

向欣然提軍

十二月二十四日

十七十八二十一等日三寄手函度均青電廿三日酉
刻接十九日惠書並大咨各件快悉前次奏報勝仗渥
荷

天語褒嘉并在事出力人員奉

旨保奏益見忠心勇略上契

宸衷曷勝額慶日來駐節潯郡熟審機宜諒已胸有成竹沅卽一堂聚處亦惟上將指揮現因南太空虛而思恩所屬上林之羅墟復有劉五等匪竄擾暫須居中調度徐制軍咨函力言潮兵不能調撥頃又飛信往商未卜允否而博白與合浦交界亦有東匪擾及並請調兵防堵兩省犬牙相錯此拏彼竄皆必然之勢也金田賊匪自焚其巢移踞大黃江墟殊不可解尚祈密飭確探李文恭公文集 卷十 粵西軍書 四 最爲要著如果大夥全出俟滇兵到日似宜兩路夾攻兼以疑兵伏兵乘彼不備大頭羊等長於水面正可江口截擊以分賊勢黔將何人可倚滇中李子廉夙尙勇敢馬福李登魁王國才等似均可用恐其閱歷未久望與黔中將備量才酌遣李殿元等三人已經會奏革問其帶兵防堵從未出力現經札飭暫畱仍由司一面傳取親供詳辦乃與原奏相符李英如何請處併望明示現當需人之際自應先其所急不能執一以求署司及

劉守備所陳亦是權宜辦法誠如來示必功罪相抵也
象州前派之兵近在大樟防堵並飭近雇徭練相助修
仁現有阿副將親往合前後撥兵三百名壯丁二百五
十名沅復派投効之朱牧紹恩馳往幫辦亦雇徭練禦
敵前商請派貴標兵二百名似可略緩已諭知訥中軍
矣柳州存兵無多連日飭令操演聊備緩急人心不古
動輒造言節經嚴飭訪拏並出示曉諭聞水陸兩路間
有小匪竊奪卽當派員偵緝而得人不易日夜焦煩想
蓋懷同之也共事如手足乃辱謙稱豈以沅爲不足交
耶百拜再繳書問往來請用小封釘固以防沿途拆閱

楊中貺廉訪

十二月二十四日

金田賊匪自焚巢穴恐其實者虛之務再確切偵探俟
滇兵到日與黔楚兵均俟提軍酌定合勦似宜奇兵伏
兵相兼爲用以攻其不備也

勞辛陔中丞

十二月二十五日

廿一日申刻廿二日巳刻兩次寄函到否廿四日戌刻

得十六日三鼓手書並公牘領悉李鎮隆安之戰已於前摺附陳其弁兵甫據冊報當再會奏請

卹所鈔私書此間亦經寄到意似湘潭舊族尚未揭破卽尊見亦在意中且看南甯如何稟覆賀縣武生通盜未之前聞自應嚴審治罪廿日外間忽爲子平訛言提營卽有傳說者已痛責枷示人心不古乃至如斯竊恐劫運方張也金田賊匪自焚其巢出踞大黃江墟情殊叵測平南勢頗岌岌大兵在潯止可就近應援別無請益之法子平欲用苗徭爲兵助勢已飭馬平象州分辨然皆緩不濟急且爲數無多未必有濟仲翁借兵借將皆一口謝絕豈真自顧不暇耶捐餉俟前片回頭卽會台銜入告當可免駁司中原可舉行卽

恩予蠲緩已見邸抄亦可不待部文先委賢員查辦以固人心曾與仲銘函及尙未得回信也南甯雷都司事在十一月初間至今始悉此間仍未補報將來如何請卹從何牽敘亦是奇聞頃得省信鄭伯擬二十四日啓

行來此果爾適如所望子平頗望沅詣彼又慮聚於一隅似非所宜如何如何將軍久無消息究竟來否殊不知一薛居州但祝到底不懈老運大亨全省倚爲長城想蓋懷同此拳拳也小樵信已悉冗中未及復

向欣然提軍

十二月二十五日

廿四日已刻接到十九日惠書卽行手答亥刻復接賜翰亦十九日所發何跑役之遲也承示卽連夜與哈守熟商據云苗船無定停泊不多就使情願受雇爲數亦李文恭公文集卷十 粵西軍書 七甚無幾因飭就近雇覓並聞融縣懷遠俱有苗船亦專差前往招集以多爲貴但恐未必多得至此輩本無器械製備斷難速齊已飭趕辦長針姑且應急聞閩勇向稱得力亦飭分途雇備以壯聲援象州舉人韋任元等前因招募猺練與該州彭牧不合恐其呼應不靈擬屬馬平紳士有與韋舉人等素爲姻好者卽日馳往作合較爲快便然兩路人齊已在年內年外深慮緩不濟急憂心如焚欲徑赴潯州又慮勢難兼顧且不便聚於一

隅以致外間窺破解人當知此意也賊踞大黃江近接平南緊防衝突我兵俟滇兵到日應否兩路夾攻或設伏扼要或縱火焚巢再以梟勇擊之水路統希相機密籌滇兵廿五尙在南甯候餉開行已由六百里兩次飛催年內必趕到矣頃見訥參將云廿日所發文札未調擡砲或尙非急需耶哈守亦未得行知也

又 十二月二十六日

廿四巳刻廿五辰刻兩次復函想均照入頃據委員談

李文恭公文集

卷十

粵西軍書

八

悉融縣懷遠之苗皆剃髮種山人甚軟弱亦不遠出惟清江苗駕船可用而現在停泊僅卅一號每號三人尙須一人看船共止五六十人可期受雇人數太少沅已諭令且爲雇就能滿一百卽行再有來者總以百人一起陸續前進長針亦須趕製大約此類必不能多也象州已派舉人張瀚馳往會同雇覓獠練尙可多得亦飭就近走候調遣閩勇皆曾打仗者雇就卽令赴潯年前無日滇兵會否趕到聞又有藤洞股匪入夥賊黨益滋

所佔大黃江墟屋多街小不能用武如兩面臨水我兵
前進宜畱後路能得賊巢內應舉火或官兵分起繞出
墟後拋擲火彈焚殺而以大頭羊等船砲攻其前使其
首尾不相顧以地勢揣之強賊必在前面合力抗拒後
面皆男婦老小一火焚之彼將自亂凡以少勝多者每
用火攻及夜戰皆攻其不備出其不意也聞府城東北
角有路進兵較寬不至爲水所逼未知確否行兵必先
地利高明自己熟籌如佛子隘大灣等處皆賊退步如
何設伏擊之沅兵事不熟日夜懸揣輒思有以奉商諒
邀鑒察歲除新正兵心恐不設備並望嚴切飭防賊有
賊計能先探確將計就計可不勞力而獲勝卓見如何
如何鄭中丞聞於廿四日自省來柳前據慶遠紳壯拏
獲首犯張晚已批令解柳審辦矣

楊中貺廉訪

十二月二十六日

廿二廿四連寄手函度均覽入廿六日酉刻兩接廿一
廿二惠書並圖說領悉順稔政履嘉懌

恩至如春爲頌滇兵廿一日自南甯行駛此時度已抵
潯合黔楚兵均由提戎布置當挾必勝之勢至金田舊
巢有無餘匪藏匿以襲我後思旺要隘能否實力堵截
以阻賊前城南藤洞聞與匪通兵力必須扼住壯丁船
砲應有官帶水路必使夾攻均祈就近熟商以密爲要
否則先爲之備矣江墟街道偏仄宜於縱火北風司令
向南焚燒彼將驚潰四逸復於水濱擊之似易得手重
賞之下有勇夫誠得精銳直前首尾相應奇正相間何
尚弟之足云耶年賞省局已定無煩再議鄭公傳聞於
廿四日由省前來藉可同居度歲快聽捷音
當以藤牌長矛相護
賊巢如有壕溝須得竹籬徑過或本有木籬堵截防其
抽散如陸路陷坑也偵探第一要緊新年防我兵大意
卽賊故爲歡飲亦恐暗算總須先得地利守則攻之走
則追之可步步爲營耳提戎前可密致此意

向欣然提軍

十二月二十八日

廿四廿五廿六連寄三函均詳細緊要想邀青電滇兵

全到約在歲前自荷指示機宜一戰大捷彼中烏合強
者未必及半但防分路抄襲必須步步爲營壯勇可用
不可恃卽儼然新附其心性究未深知應否令充前敵
抑暫置閒處徐徐考察老手自有權衡千萬勿令窺測
轉生他慮軍餉何日解到委員任意耽延不知緩急殊
堪怪歎已專札申飭矣上林賊近卽飭總巡遊擊馬芳
春帶兵三百往援並派慶遠協營兵二百就近策應未
卜能濟急否賀縣交界亦飭以團練固守統俟大黃江
兄以外燕令第二人見切屬切屬

又 十二月二十九日

彼中地利如何鄉導第一要緊鄭宮傳力言府壯不可
信任引路宜囑桂平李令與縣紳酌派有身家者爲之
較爲放心偵探爲軍中必需提防造言相誘千萬加意
新附之人近在肘腋其船械須爲官用不至首鼠兩端

或滋內患亦祈密爲審察金田村有無餘匪藏匿與現
佔大黃江墟相爲犄角此我兵出入之路不可不查探
分明周撫軍年內可抵省

周敬修中丞

十二月二十九日

淮安一別彈指九年今秋旆從入都欣聞遠猷辰告渥
荷

龍光抃慶無似嗣聞開府粵西之喜尤深慰頌卽擬裁
箋奉賀因未卜道經何處是以少稽頃悉彤騶卽次桂

李文恭公文集

卷十

粵西軍書

十三

林本省官民共紓雲霓之望沆叨聯蘭楫一切藉有師
資引領芝儀不禁以手加額計當先莅梧州受篆籌度
機宜會勦想已成竹在胸所至無敵沆力小任重以柳
州適中之地暫駐行營惟祈惠示南鍼親如握敘紉愛
實無旣極謹將先後接奉

廷寄三道及奏單各件恭錄咨遞左右手肅代敘專弁
祇迓前麾

再查現在賊匪以桂平大黃江墟一股最爲悖逆猖獗

向提戎意在合勦自是先其所急其餘南太思恩等屬均須次第殲除大局糾紛殊非意料所及知念附陳

楊中貺廉訪 十二月二十九日

廿九日酉刻連接廿五日三次惠書親如握敘就稔納吉迎韶

新恩春渥定符心頌滇兵廿一二日自南甯水路分起迅發此時度早抵潯又得鬱博千勇兵力較足能再得猛壯千名更分撥有餘且可爲平南助也大黃江墟較

李文恭公文集

卷十

粵西軍書

七

金田易於偵探究竟金田有無藏匪我兵由此往來卽墟南村匪亦防出而夾擊似宜奇兵伏兵攻其不備墟集火攻爲上或大砲直轟賊中老幼驚潰強寇亦鳥獸散矣鄉導卽屬桂平令密商邑紳擇有身家者爲之否

則恐爲所紿潯府壯良莠不齊不可用以引路人心如

小股責其攻勦爲徵隣地步無涉兩端我兵分路而

面乍陰乍陽千萬隨處加察并爲提戎密陳沅兩地懸

進仍不可單或以募勇助勢

懸一刻未能稍釋夜雨不寐每及軍士勞鞅輒深愀然

惟祝春風早蕩賊氛也潯餉已解去四萬五千兩如委

員來尙籌續解重賞之下有勇夫似費實省卓見諒以爲然

向欣然提軍 十二月二十九日

賊巢前有大河中隔小江兩岸十餘村皆爲逆助槍砲防備甚嚴我兵直搗賊巢必須一鼓作氣所至無敵而又層層策應分布合圍以奇兵出其不意以疑兵使其不前先防賊之襲我而後可以襲賊誠得旌旗左右再有二三驍將足供指揮自可無堅不破第全材難得當

李文恭公文集

卷十

粵西軍書

一四

此軍務孔亟止可節取酌用李子廉頗勇往而欠細密餘多平平黔將可以想見楚將如止和協尤難臂助鄧鄭兩都司究竟如何壽軒偕來諸弁尙足供鞭策否楊陶新附能令分攻某處試其真否劉守所招總須殺賊自贖不得觀望徘徊外間傳聞想澈清聽自有妙用試之周撫軍以武將自許如年底已到桂林新正當詣梧州接印或可分任領兵雖未久歷戎行卻有血性肯任事但望其和衷商辦耳李英旣難造就只可照李殿元

等嚴參示戒各缺均應委署並改派帶兵官諸費清神
倍增歉念滇南兵頗奮勇或懸重賞令破賊巢統祈裁
酌營中砲械足用否似以大砲爲宜然必重兵交護以
防疎失鄉導偵探須擇其可信者前函已詳言之顧守
壯勇不足恃祈隨時留意

再賊巢相距較遠又隔兩水連朝下雨恐水淺者亦深
官兵移營過渡千萬留意如難驟搗中堅或就附近小
賊打起翦其羽翼俟大夥過河救援再以精兵截擊亦
調虎離山之法武舉楊鼎材能分攻一股否黔兵似不
如滇將官亦然高明以爲何如聞猺壯頗難雇止可以
鬱博壯勇代之苗壯則更不可得

勞辛陔中丞

十二月三十日

頃得廿二日手翰知東省早經奏請開捐而西省毫無
所聞爲今之計自以奏請分局較爲便宜而滎陽之意
主先請近省撥用東捐歸款然三十萬尙無回示豈能
遽爲此語容再商定奉聞滇兵開仗前已敘及弁兵請

卹則俟新正附片並上思營都司彙達譚承德已照咨
敘摺先行拏問恰有參將李英石陵之失又須添上一
片然必大黃江開仗好音始可同發豈有籌勦二三
日尙未動手之理此舉關係太重彼中止子平主張又
未肯迫促能事令人乾急賊巢隔水兩道近村小匪皆
通動虞牽綴甚不易辦梧州砲械能就近分運往潯否
平南非大砲難守口隘然恐委之資寇如何如何周老
倉猝至省或用青龍偃月可收捷效中貺清單未到也

李文恭公文集卷十一目錄

湘陰李星沅石梧著

男
栢 樞 樞 樞
編次

粵西軍書

勞辛陔中丞

向欣然提軍

勞辛陔中丞

勞辛陔中丞

李文恭公文集

卷十一目錄

向欣然提軍

楊中貺廉訪

周敬修中丞

向欣然提軍

向欣然提軍

周敬修中丞

向欣然提軍

徐仲紳制軍

吳仲銘方伯

勞辛陔中丞

向欣然提軍

楊中貺廉訪

周敬修中丞

向欣然提軍

周敬修中丞

周敬修中丞

李文恭公文集

卷十一 目錄

周敬修中丞

勞辛咳中丞

辛亥正月初二日

聞敬翁已抵桂林不卜駐劬何處大約潯梧之間將與
旆從分時會否先來奉商卓見如何屢有會勦之

旨似未便旋省坐辦也朱先生如未接館卽望代聘來
柳提戎慎而又慎計滇兵到後必須開仗此舉關係不
小黔兵廿九以後軍心頗覺爲難亟望重整軍威第一
文武要和氣寶慶其前車也金田舊巢尙存兼聞倚山
開路半日可到花洲大黃江又爲所踞賊已負嶠我兵
李文恭公文集 卷十一 粵西軍書 一
無可再加練壯又不足恃思之焦極應查往事從何下
手專望密單示我分局收捐已定稿併龍憑案摺滇弁
卹片張鄧就擒片同發然必俟潯州勝仗爲主否則如
何叙法盼捷若歲想必同心承示飭吏彙抄軍報文件
大要祈速寄

向欣然提軍

正月初三日

客臘廿八廿九三十等日均有寄函諒登記室滇兵兩
起準於年底到齊苗壯旣不可得未卜搖壯到否或以

鬱博雇練嚴飭張令管帶應用至楊鼎材諸人或令分
攻某股責其立功以免觀望且兵與練分用皂白亦自
分明不至彼此推諉聞大黃江匪徒出掠其南北兩岸
必應集團堵擊以壯聲援望再切諭桂平李令上緊激
勵並告知楊中貺也又聞金田舊巢匪仍分佔且倚山
開路可通花洲未審果否兵力既齊天氣放晴自荷相
機進剿一戰成功軍餉已解四萬交潯州糧臺茲鄭委
員來柳擬再令解二萬以備應用

李文恭公文集

卷十一

粵西軍書

二

勞辛陔中丞

正月初三日

平南第一要緊如藤縣之大黎里果爲永安門戶卽宜
此處防堵計尊處購有火器可併發交守隘以期當關
莫開修仁無兵可益已派朱收紹恩合雇勇五百名何
處緊急卽往何處協助此間有韓教官籍隸永安亦令
馳回團練矣火箭如造就可就近移送提戎以助一戰
將軍如詣潯州則大旆仍須駐梧否則兩峰不並立似
可移駐南甯以防欽靈大夥竄援且道出此間小集也

又正月初四日

金田賊負嶠子平合三省兵力仍待猺壯爲助志在聚
而殲之似羽翼太多但能擊散分攻去其巢穴較易得
手甚盼天晴路乾可以開仗彼一怒爲紅顏者果能借
紅衣大礮雪恥立功未始無用必如城北所料牆頭草
不問兩邊風亦止如芝蘭當門矣眞耶僞耶此舉自可
洞見虎頭不得人心得一較勝者與鶴鳴相應似於要
道有益此非乘傳分內事祈速圖之失城各屬已不乏
李文恭公文集 卷十一 粵西軍書 三

人逐件分明清釐誠如來示閒有不得已處若輩止求
脫手一叅皆所不辭委署乏人並須計及惟解人能籌
全局也

向欣然提軍 正月初四日

火攻本行兵利器火罐火箭皆必需苗壯必不可得猺
壯恐亦爲難鬱博勇專守思旺似乎少單或以他處壯
勇爲助伏兵奇兵想當並用賊中人心渙散強者無多
大約廣匪較強祈臨時加意必以勁兵攻之賊巢有伏

大礮處我兵宜鼓勇旁抄奪之楚兵需人分帶已如示
會奏請調博瞿兩員能得一員亦可應用潯州顧守處
分可知平南兵練不協已飭司查辦並望虎威彈壓以
防內患切禱切禱

楊中貺廉訪 正月初五日

歲前縷復一函度已入覽頃接除日環翰知滇兵尙未
到潯其頭起已過貴縣元日必到後起則須略遲然此
時亦必會合嵩候提戎布置天晴進兵一戰奏捷且盼
李文恭公效績

卷十一

粵西軍書

四

且祝聞牛排油榨二處賊伏大礮官兵必旁抄奪之釘
塞礮眼竹林叢雜亦宜分兵接應以防伏莽提戎必早
籌畫望談次及之如未開仗之先有自悔逃出歸農者
並望委員確查護送爲要平南事令人懸慮倪合責任
甚重不可專自爲謀如果汎兵逞兇卽應照律懲辦已
函致提戎奉商矣

周敬修中丞 正月初五日

粵西情形疲敝久在鑿中近則匪勢披猖幾乎賊多民

少非特募勇難恃額兵亦未可知咎在提鎮因循將備
弁兵毫無顧忌見賊輒走已成故套幸得向欣然二兄
來此重整軍威然皆楚兵得力並未用粵兵也此非大
加懲創何能去暴安良埽除逆燄沉入境伊始卽以是
爲兢兢已嚴叅副將叅將等四員並疊咨向二兄兼札
各鎮如有仍前退縮者卽行軍法從事承示不謀而合
益徵洞燭弊源客歲冬月廿九黔兵小挫伊副將未免
輕敵而勇往無前亦甚難得隨兵陣亡四十餘名餘雖

李文恭公文集

卷十一

粵西軍書

五

未能救援尙能截戰堅守士氣咸思再振向二兄以賊
眾我寡商調滇兵二千名自南甯折回赴潯及黔楚兵
併力攻勦不肯輕於一試少損前威亦與卓見相合日
內大兵已齊天晴自當進戰或分或合或前或後已就
輿圖密商但祝一鼓殲除餘匪望風膽落可期次第順
手以大概論潯州大黃江會匪最爲狂悖法必先誅次
則南甯太平兩府界連廣東此拿彼竄實爲羣盜淵藪
勦辦亦不容緩想均照察省門地處腹中外有環衛刻

下無他慮重以碩畫布置人心當更帖然承示弓箭軍器自能利用尤以火器爲宜沅前擬在長沙趕造地雷火箭昨復派員往催所募壽宿精銳百餘名何時約可抵粵翹盼之至沅軍旅未嫻日夕冰凜惟仗老謀指示藉以藏鳩向二兄及辛亥亦皆夙佩韜鈴必能同心併力惟命是聽也永州發來之書已隨

廷寄於日昨奉到矣

向欣然提軍

正月初六日

李文恭公文集

卷十一

粵西軍書

六

金田舊巢有無賊匪藏匿其阻擋牛排油榨二處聞有伏礮以男婦大小守之儘可旁抄奪取釘塞礮眼但平南一枝兵力較單須以鬱勇爲助否則賊踞不能攻賊

潯和亦須開兵守城

竄不能遏且防分夥直逼平南縣城高明想已籌及大約官兵此舉痛加懲創賊非往擾平南卽竄入花洲但將大黃江口收回金田舊巢全燬再圖進兵追擊所謂

一步緊一步也苗壯已不可得獠壯能雇六百亦足備用閩勇日內趕挑得三百一起卽令先行近因過年未

來此項尙不難得如大營先已開仗得勝亦可酌令防
守平南象州也象州雇獠未成只有官兵三百名甚爲
可慮如賊往花洲翻山路不遠矣又宋陶前帶弁兵軍
械存否成福兩將接管祈飭查李殿元必難得力須以
劉守管帶水勇責令出力自贖卽在此舉承示保舉單
容再會列臺銜入奏日內如得捷音一同上達必邀
恩允翹盼之至

柳營擡礮早解去並諭中軍添解大礮火藥到否

李文蒸公文集

卷十一

粵西軍書

七

又 正月初七日

滇兵此時必到齊苗壯旣不可得獠練來亦月半止可
以鬱博千勇爲助相機策遣五路旣恐兵單卽可併爲
兩路前後夾擊再用礮船攻前責令搶彼礮臺以爲實
驗火攻得手賊雖衆亦無所施重以虎威宿著鎮將同
心小醜誠不足算師克在和亦在壯務望登壇揮霍鼓
舞多方使人人奮勇必滅此而朝食此克勝之道也聞
勇已得三百明日卽令先行隨後添雇再發獠壯愈速

愈妙已發雇價千金據韋拔貢云總須月半始能齊也
太平上林柳城皆有賊蹤已委員分辦龍城株守日盼
捷音

周敬脩中丞 正月初八日

沅諦審大局固由武備無人而州縣沓冗鮮能實心任
事以致貽累地方亟應奏請揀發曾經外任州縣二十
人來西備用或有轉機計奏報接象似可附摺奏請或
挈沅銜會奏亦無不可有揀發不到省者卽照例查叅
李文恭公文集 卷十一 粵西軍書 八
規避並望酌定示覆

向欣然提軍 正月初八日

查該匪現踞江墟前後皆水自守亦適自困我兵前後
夾擊匪必直竄平南該縣兵勇較單近又有汎兵鼓譟
之事深爲懸慮所有兵勇二千餘名似不宜調出接仗
止於近城要隘合力堵截匪至則迎而擊之我兵尾追
其後仍是兩面夾攻高明以爲何如聞平南城小而堅
第一防守要緊倘鬱博勇不用於潯亦可飭往該縣協

防或水勇船截匪江面均可爲平南著力也此閒閩勇
三百今日登舟卽行尙可續得二百獠壯由象州直下
能十二三日到齊則更妙矣

徐仲紳制軍

正月初八日

此閒金田會匪竄踞大黃江墟四掠近村言之髮指滇
兵由南甯馳往水小灘多新正月初三日尙未到提戎意
在持重並雇獠壯爲助適值新歲俱有耽延天氣又不
放晴火器如何施展是以尙未接仗而太屬賊甚岌岌

李文恭公文集

卷十一

粵西軍書

九

上林亦有莽戎近如柳城皆不免雖經派兵勦辦然必
金田早平始可分路掃蕩而軍需繁費萬不能支續撥
之來尙早知籌餉開例兩省利用無窮桂林紳士復請
分局辭之不獲勉強入告其實際大概可知於事何益
現據司詳告急必不得已備文奉商務祈俯加籌度暫
於關運兩庫借撥三十萬飭委迅解來西以救燃眉無
厭之求想邀鑒諒前乞潮兵一節亦望設法應之沅自
駐龍城陰雨不已歲朝陟祀心旌懸懸胸結時復掣痛

每懷忠勤惟以保衛爲祝

吳仲銘方伯

正月初九日

昨函商敬翁多請揀發州縣頃夢翁談及尙有續請六員未到省似不能多卽祈進見縷陳是否可行統由敬翁酌定人數必應從減至囑至囑火藥可畱省局已來則不必說解到軍械不合用祈嚴飭局員爲要

勞辛亥中丞

正月初九日

賊匪經官兵一擊勢必四竄平南最要緊能設法捍禦

李文恭公文集

卷十一

粵西軍書

一

否周誠之聞不甚妥何不以張林易之此間幾成妙手近如柳城遠如上林皆須分兵馳剿心旌懸懸黃小有才然不可靠原叅玩視民瘼亦復難下轉語何日委員送印如須移駐南甯藉可暢領情語跋何如之

向欣然提軍

正月初九日

搖練初七日能六百餘人出山十二三日可到昨象州拔貢韋健元等來柳呈訴往事沅卽批示許以立功請獎當卽懽喜趕回或加倍出力且望爲象州防守計也

平南兵勇不宜調出宜令扼要守城賊至卽擊官兵跟蹤直追可以腹背夾攻新附之人由水道攻其墟前亦是要著但防縱匪作人情耳會匪七日一拜擡探明此日進攻較易得手要以天晴路乾爲上似該匪行梯土囊皆攻城之具必不敢來潯州故平南宜加意防守以免竄越高明必以爲然設匪分夥他擾我兵必追擊之否則愈走愈遠裹脅日多更難於收拾矣密示領悉並見精心擘畫奇正相生實深佩服重賞之下有勇夫似

李文恭公文集

卷十一

粵西軍書

十一

得也

費而省復何吝惜但釘塞一層必有明驗撥船所交之

恐以資敵

人與備械堵札南河皆須勇幹備弁親往督查以防借端行詐又緩兵必在受降後恐其乘我不備突出四擾卓見當早及之恃厚愛故敢瑣瑣也有應解回原籍者卽祈就近飭辦以免壅塞

楊中貺廉訪

正月初十日

頃接初五來信似客臘廿六三十等日奉寄要函尙未達覽卽望查明示復內三十日復書系由專足攜去並

寄提戎一函軍務重情恐拆閱洩漏不可不加察也平
南務宜嚴防縣營互訐案亦望確究切囑切囑

周敬脩中丞 正月十一日

上年失城各州縣現奉

諭旨飭查已轉行司道查明據實稟復會商核辦州縣
失於防範以致賊匪橫行咎無可追而營務廢弛、小
恆怯文員無拳無勇徒喚奈何可恨亦復可憐必概坐
以失城其罪甚重例載賊入劫盜旋即逃散不係失陷

李文恭公文集

卷十一

粵西軍書

三

者止以失盜論原有區別似此案各員從重議革亦足
蔽辜可否務祈酌示現當軍務倥傯而太平府屬尤值
多事之秋若將此案撤叅一時乏人擅署展轉耽擱恐
悞地方或俟大局略定再行奏結以期一了百了亦望
裁定沅於辦案之輕重入奏之遲早固毫無成見也

向欣然提軍 正月十一日

初六初七初八初九等日均有寄函度塵清覽閩勇五
百名派吳貽書管帶昨日登舟開行計與猺壯六百同

尚有一百名由武宣前進

時趕到籌畫早定自可相機進攻惟天氣總不見晴令人焦灼而為時既久彼此相持恐干

軍七草鞋裹纏之

嚴旨切責難於復奏如果暢晴難得亦只好陰而不雨

類必不可少廣西春雨最多亦須預計

火器可施即望酌量行事極知盡懷熟慮區區之見惟

以心印心也賊匪七日一拜擡我兵攻之最便其恃眾

脅從可散其強暴

抗拒斷非痛剿不行即使密示有成亦必大加懲創

必不可容以絕後患

則了而未了矣礮臺不能活用似以旁襲為宜想已

辦上林需兵甚急已雇廣勇閩勇即日馳往勦辦柳城

李文恭公文集

卷十一

粵西軍書

三

事亦未結

周敬脩中丞

正月十二日

得初九日節署發來手教猥荷推誠相與視若同體為勝欽感行軍以籌餉為亟各省庫款支絀撥解為艱前請三十萬未卜何日到粵到亦必不敷用昨據署司來稟已咨商徐制軍並函懇於關運兩庫借撥銀三十萬以救然眉來示正復相同但不識如何作答殊心系之損價減半並准捐米抵銀誠籌備之良法但須由司議

詳我輩會奏方可通行以東省奏經部議必得實銀請
叙也統惟高明酌之如能權宜奏准賊無糧而民有食
計無便於此矣行軍利器勁旅何日可齊似由平樂至
梧泝流至潯水程不能迅速莫若永福坐船至柳州順
流而下較爲快便廣勇三百在梧亦可調用且沅違教
多年藉紓渴想是亦愛沅之道也潯州兵勇已齊矣

色精明卽當進兵攻剿或賊匪分竄大旆扼要截擊難
以預計沅因南太空虛太屬又值多事請兵請餉無以
李文恭公文集 卷十一 粵西軍書 古
應之上林柳城賊匪籌剿亦未就緒憂心如焚

又 正月十三日

十一十二兩日均有寄函諒經鑿入茫聞太平府

賊竄擾沅卽飛飭左江德鎮管帶兵勇由南甯馳往剿
辦頃據南甯府及德鎮來稟以宣化欽州靈山兩省交
界各匪徒聚眾萬人口稱將至南甯投誠意圖竄擾雖
虛實尙難預定然必不可不防已批該鎮府確切偵探
相機籌備德鎮應否赴太總以紳稟虛實爲定如其有

之是與桂平劈分兩大股評改更不易矣日來天雨稍
止欣然刻期進兵此舉如可得手卽須會籌南太其地
接廣東高廉夙稱盜賊淵藪想必聞之熟矣宿勇到桂
林否臺旆由平樂梧州赴潯不如由柳州坐船下水快
到且可面承教益也頃據辛陔來咨恭錄

諭旨遇有奏報一並列銜會奏以後各路軍務自

商由柳策發其地方公件如捐輸蠲緩之類則由節府
主稿有應沅會銜者卽祈挈銜辦理同心共事原無畛
李文恭公文集 卷十一 粵西軍書 五

域可分也聞奏調官紳來粵效用可知知一二乎外附
錄南甯紳稟一紙

又 正月十四日

十二二十三兩日均上手函諒已遞達頃接十一日卯刻
手書親若晤談且誦且佩粵西得人爲急沅亦早計及
此承示單開各員洵爲賞識公允中如姚周兩道李牧
林丞劉令馮司馬皆沅夙所心賞者略嫌人數較多或
將李鄭兩主事臧韋兩舉人及文生張某暫且從緩奏

調又到任摺例應專銜毋須會奏統乞酌之至賊勢蔓延無處不有目前桂平會匪最爲可恨次則太平股匪人亦不少若如南甯昨稟數又倍之已飛飭確探續報一面集壯起團不動聲色分段防堵並選派公正紳士爲助不可無事張皇沉因謝長腰四一啟出沒上林地面亟須設法擒捕已札飭慶遠一二三思恩兵二百隨護兵一百又閩勇五百廣勇五百派令將

勦仍擬飭石江道慶吉馳駐賓州策應聊壯

李文恭公文集

卷十

粵西軍書

七

林勦辦得手即可移向南太此皆無中生有

乘虛厚叨指示機宜要以人才難得爲可慮

在潯州此時斷不能分力且精後得有捷
行奉高昔患土司之強今患土司之弱如田州忻城安
定數處較爲可用然皆不過助勢而已捐米事須
能奏准而後行部中恐必不應想早意會



